

- 135 Hie an manigem ritter gvt,  
de~ vil hohe stvnt sin mv̄t.  
Herre, welt ir genesen,  
so sv̄lt ir hie niht lang~ wesen.“  
Do spr̄ch Garel, der helt gemeit:
- 140 „si tv̄nt nv niem~ m~ chei~ leit.  
Ich han si bediv samt erslagen,  
. . du solt mir furbaz sagen (d)  
v̄n geben mir di~ ler, ist hie iem~ mer,  
Vf den ich sol angest han?
- 145 Daz solt du mich wizzen lan.“  
Do sprach der gefangenen man:  
„waer ez iv so saelichlich ergan,  
Daz ir si beidiv hiet erslagen,  
für war ich iv daz wolte sagen,
- 150 So hetet ir hohen pris beiagt.  
ey edel ritter vnverzagt,  
Sagt mir div maer an triegen.“  
er sprach: „ich chan niht liegen.  
Ir hochvart solte niht lenger wese~,
- 155 ir ist einez niht genesen,  
Vnt wellent si wider ouf stan,  
so müzen si ane houbet gan.  
Daz slüch ich ab mit min~ hant.“  
do disiv maer reht ervant
- 160 Der gefangenen man, do wart er vro.  
(Zv̄) hern Garel sp̄ch er do:  
„Ey uz erwelter degen balt,  
waz ir ern habt bezalt,  
Sit hie gesigt hat iwer hant!
- 165 got hat iv her ze troste gesant  
Mir vnd ouch vil ma~ge~ man,  
den grozzen schaden hat geta~  
Der Rise v̄n ouch sin v̄bel wip.  
des wirt gepriset iwer leip
- 170 Von maniger klaren frowen.  
lat mich iwer helfe schowen,  
Vnt helfet ouz den banden mir,